

## 2022ko UDALEKU IREKIAK BEGIRALEAK ALDI BATERAKO KONTRATATZEKO OINARRI ARAUTZAILEAK

### 1- DEIALDIAREN XEDEA:

Oinarri hauen xedea da begiraleen aldi baterako kontratazio laboralak arautzea, Oñatiko Udalak antolatu duen “2022ko udaleku irekiak” deialdia dela eta. Udaleku irekiak ekainaren 27tik uztailearen 22ra izango dira.

Kontratuaren iraupena ekainaren 27tik uztailearen 27ra artekoa izango da, eta lanaldia, Udalak ezartzen duen zerbitzuaren beharren arabera.

Halaber, ezinbestekoa izango da hautatuak diren begiraleak prestakuntza-saioetara bertaratzea. Saio horiek ekainaren 4an eta 11n izango dira eta ordutegiak aurrerago zehaztuko dira.

Erreserbako zerrendara pasatuko dira kontratatu behar direnak baino lagun gehiago badira. Kontratazioak egitean, uko edo baja egoera baten aurrean, erabiliko da zerrenda hori.

2/2015 Legegintzako Errege Dekretua, urriaren 23koa, Langileen Estatutuaren Legearen testu betegina onartzen duenaren 49.1. d) xedapenari jarraikiz, langileak lan-kontratua sinatu eta gero uko egiten badu, 10 laneguneko aurrerapenarekin jakinarazi beharko dio udalari. Oñatiko Udalak ukoak penalizatu ahalko ditu hurrengo urteetako begiraleen hautaketa-prozesuetako puntuazioetan; penalizazio hau 5 puntu artekoa izan ahalko da.

### 2-PROZESUAN PARTE HARTZEKO BALDINTZAK:

Onartua izateko eta hautaketa-prozesuan parte hartu ahal izateko, baldintza hauek bete beharko dira:

- 1- Lan-kontratua egiterako egunean 16 urte beteta izatea eta derrigorrez erretiratzeko adina ez gainditzea.
- 2- Eskola-graduatua edo baliokidearen jabe izatea.

- 3- 3. hizkuntza eskakizunaren pareko euskara-agiria izatea.
- 4- Funtzioak behar bezala betetzea eragotz dezakeen gaixotasunik nahiz muga fisikorik edo psikikorik ez izatea.
- 5- Inolako administrazio publikoen edo autonomia erkidegoetako konstituzio nahiz estatutu organoen zerbitzutik diziplina-espeditente bidez baztertu gabea izatea eta funtzio publikoak betetzeko ezgaituta ez egotea.
- 6- Haurtzarora eta adolezentsziaren babes-sistema aldatzen duen uztailaren 28ko 26/2015 Legeko 8.artikuluaren arabera, sexu delitugileen Erregistro Zentraleko agiri negatiboa izatea.
- 7-. Kontratazio hau beste lan-kontratu edo funtzionario izendapen batekin ez da bateragarria izango.

Lan-kontratua egiteko unean eta indarrean dagoen bitartean, kontratatuek bete beharko dituzte ezarrita dauden baldintza guztiak.

### 3-ESKABIDEAK AURKEZTEA:

Epea: 2022ko apirilaren 5etik 13ra.

Lekua: [Oñatiko Udaleko Zerbitzu Telematikoetan](#), Herritarren Arreta Zerbitzuan (HAZ) edo Posta-bulego batean.

HAZeko ordutegia: 07.30-15.30 (aurrez txanda hartu behar da).

Era berean, urriaren 1eko 39/2015 Legeak, Herri Administrazio Guztien Zuzenbide Arauen eta Administrazio Jardunbidearenak, 16.4 artikuluan izendatzen dituen bideetatik ere aurkez daitezke eskaerak. Oñatiko Alkateari zuzenduko zaizkio. Antzeman litezkeen okerrak edozein unetan zuzendu ahal izango dira, ofizioz edo interesdunak hala eskatuta.

### 4- AURKEZTU BEHARREKO DOKUMENTAZIOA:

-Eskaera-orria beteta ([www.oñati.eus](http://www.oñati.eus) web gunean zein Oñatiko Udaleko HAZean eskuragarri egongo da).

Kontratatua izateko hautatuen artean geratzen ez bada, begirale-tituluari dagokion zati praktikoa bertan egiteko interesa ere adierazi daiteke eskaera-orrian. Praktika hauek egiteak ez du ordainsaria jasotzeko eskubiderik sorraraziko.

39/2015 Legearen 28. artikuluan eta 2016/679 (EB) Erregelamenduaren 6.1. artikuluan ezarritakoari jarraikiz, Oñati Udalak, interesdunak horren aurka egiten ez badu, Nisae

elkarreragingarritasun-nodoaren bidez, lanpostua eskuratzeko baldintzak betetzen dituzten egiaztatzeko informazio hau kontsultatuko du zuzenean:

- NANA.
- Eskatzen diren titulu ofizialak.
- Hizkuntza eskakizunak, izanez gero.
- Sexu delitugileen Erregistro Zentraleko agiri negatiboa.
- Lan-bizitzaren agiria.

Bestalde, ezinbestekoa da honako agiri hauek aurkeztea:

- Eskaeran aipatutako merezimenduak egiaztatzen dituzten agiriak.
- Prestakuntza ikastaro ez formalen agiriak.
- Titulu propioen agiriak (ez ofizialak).
- Euskara titulu ez ofizialen agiriak (graduarekin jasotakoak...).

Nisae elkarreragingarritasun-nodoan lanpostua eskuratzeko baldintzak betetzen dituzten egiaztatzeko aukerari uko egiten bazaio, agiri guztiak aurkeztu beharko dira.

Hautaketa-prozesuan parte hartzeko eskabideak eredu ofizial eta normalizatuan osatuta aurkeztuko dira 2022ko apirilaren 5etik 13ra arteko epean (epe horretan jaso ez direnak kanpo utziko dira).

Eredu ofizial hori Oñatiko Udaleko Herritarren Arreta Zerbitzuko bulegoan (HAZ bulegoan 07:30-15:30 bitartean, astelehenetik ostiralera) eta udalaren webgunean ([www.oñati.eus](http://www.oñati.eus)) egongo da eskuragarri.

Era berean, merituak egiaztatzeko dokumentazioa Oñatiko Udaleko erregistroan aurkeztu beharko da, ondoren zehazten diren bideetako bat erabiliz:

- Oñatiko Udaleko erregistroa (Foruen enparantza 1, 20560, Oñati). Orduetgia: 07:30-15:30 (astelehenetik ostiralera eta aurrez txanda hartuta).
- Oñatiko Udalaren [www.oñati.eus](http://www.oñati.eus) egoitza elektronikoa [erregistro elektronikoa](#) bidez.
- Posta-bulego batean: gutun-azal ireki batean eraman behar da eskabidea postetxeko enplegatuak data eta zigilua jartzeko, aurkezteko epearen barruan. Horrela eginda, ulertuko da eskabidea posta bulegoan utzi zen egunean izan duela sarrera Oñatiko Udaleko Erregistroan.
- Aplikagarria den araudiak dioen beste edozein eratan. Meritu horiek, ondoren azaltzen den moduan egiaztatu beharko dira:

**OHARRA:** Haurtzaroa eta adoleszentziaren babes-sistema aldatzen duen uztailaren 28ko 26/2015 Legeko 8.artikuluaren arabera sexu delitugileen Erregistro Zentraleko agiri negatiboa, Oñatiko udalak deituta burutuko diren prestakuntza-saioetako aurrenengo saiora bertaratzean aurkeztu beharko da. Data hori kontuan izanda gehienez ere 3 hilabetetako lehenago emandako agiriak onartuko dira. Agiri hori Bilboko Elkano kalea 9,7 kokatzen den Lurraldeko Gerentzian ateratzen da.

## 5-EPAIMAHAIA KALIFIKATZAILEA

Epaimahai kalifikatzailea Oñatiko udaleko 5 kidez osatua egongo da :

- Epaimahaiburua: Ion Lopez Santamaria, Haur eta Gazteria Teknikaria
- Iñigo Roldán Catalán, udaleko idazkaria
- Izar Salaberri Iñarra, teknikaria
- Xabier Zabaleta Etxabe, euskara teknikaria
- Epaimahaiko idazkaria: Izaskun Querejeta Agirre, GGBB eta Antolakuntzako AOTa

## 6- IZANGAIEN ONARPENA

Eskabideak aurkezteko epea amaituta, onartutako eta baztertutako izangaien behin-behineko zerrendak onartu eta argitaratuko dira Oñatiko Udalaren iragarki-taulan eta webgunean ([www.oñati.eus](http://www.oñati.eus)).

Baztertuak izan direnek hiru eguneko epea izango dute, zerrendak iragarki taulan argitaratu eta hurrengo egunetik kontaktzen hasita, baztertuta geratzea eragin duten akatsak edo ez-egiteak zuzentzeko, edo zerrendaren aurkako erreklamazioak aurkezteko.

Behin-behineko zerrenda automatikoki behin betiko bihurtuko da, baldin eta erreklamaziorik ez bada aurkezten. Ebazpen horretan behin-betiko zerrenda onartuko da, eta lehen esandako eran argitaratu egingo da.

## 7. OPOSIZIO FASEA

**EUSKARA Proba: 3 HE-ren pareko ezagutza maila egiaztatzekoa.**

Lehenengoko ariketa eta bakarra.

Deialdiko 2. oinarrian exijitutako euskara maila egiaztatzeko agiririk aurkeztu ez dutenek, eskatutako hizkuntza-gaitasuna egiaztatu beharko dute dagokion probaren bitartez. Proba egiteko eguna Oñatiko Udaletxeko iragarki taulan argitaratuko da.

Azterketa honek ez du inolako balio ofizialik izango 3. Hizkuntza-eskakizuna egiaztatzeko. Lanpostu honen hautaketa-prozesuan parte hartzeko besterik ez du balioko, eta lortutako emaitzen arabera, hautagaiak Gai/Ez gai bezala sailkatuko da. Beste urte batzuetan lanpostu honetarako Oñatiko Udalak egindako proba gainditu zutenek ez dute berriro egin beharko, eta eskaera-orrian adierazi beharko dute.

Ariketa hau ez dute egin beharko apirilaren 15eko 86/1997 Dekretuan eta euskararen ezagutza egiaztatzen duten titulu eta ziurtagirien arteko baliokidetzak finkatu eta Hizkuntzen Europako Erreferentzia Marko Bateratua egokitzeko aplikagarria den araudian ezarritako aukeren bidez gainditu dutela ziurtatzen duten izangaiek, hain zuzen 3. Hizkuntza-eskakizuna edo baliokidea den titulu baten jabeek.

Udalak alderantzizkoa esaten ez duen bitartean, EUSKARA PROBA egiteko behin betiko data maiatzaren 2a da.

## 8. LEHIAKETA FASEA

Ondorengo irizpideei ezartzen zaizkien puntuazioen arabera, hautagai bakoitzaren puntuazioa aterako da eta horren arabera lortuko da kontratazioa egiteko erabiliko den hurrenkera. Puntuagarri den guztia egiaztatu beharko da puntuatua izan dadin.

### \* Titulazioa:

- Euskal Erkidegoan eskuratutako Aisialdiko Begirale titulua: 4,5 puntu
- Euskal Erkidegoan eskuratu daitekeen Aisialdiko Begirale Tituluari dagokion zati teorikoa soilik duenari: 2,25 puntu
- Beste Aisialdiko begirale tituluak: 1,5 puntu.
- Beste Aisialdiko begirale tituluei dagokien zati teorikoa soilik duenari: 0,5 puntu

### \* Euskara:

4HE edo baliokidea: 3,5 puntu.

### \* Ikasketak (Bukatutako ikasketak puntuatuko dira soilik):

- Irakaskuntza: 2 puntu
- Gizarte hezkuntza: 2 puntu
- Pedagogia, psikologia, psikopedagogia, ... : 2 puntu

\* Goi mailako heziketa zikloak:

- Gizarte eta kultur animazioa: 2 puntu
- Gizarte integrazioa: 2 puntu
- Haur hezkuntza: 2 puntu

\* Lan-esperientzia:

- Udaleku irekietan, edo arte udalekuetan begirale-esperientzia izatea: 30 eguneko, 2,5 puntu.
- 2021eko UDAKO ZAINZA zerbitzuan begirale-esperientzia: 30 eguneko, 2,5 puntu.
- Aisialdi ekitaldietan begirale-lanak egina izatea. 0.10 puntu egun bakoitzeko.
- Udaleku itxietan begirale-esperientzia izatea: 30 eguneko, 3 puntu.
- Erakunde ofizial batek haurrentzat/ ezinduentzako antolatutako aisialdiko ekitaldietan begirale-lanak egina izatea. 0.025 puntu egun bakoitzeko. Kontratu bakoitzeko gehienez 1,5 puntu puntuatuko da.

\* Prestakuntza-ikastaroak:

- Gurutze gorriak emaniko sorospen, ... formakuntzak: 0,10 puntu bakoitzeko (25 ordu artekoak)
- Gurutze gorriak emaniko sorospen, ... formakuntzak: 0,50 puntu (26 orduetik gorakoak)

**9 -IZANGAIEN ZERRENDIA.**

Izangai bakoitzaren azken kalifikazioa lehiaketa-fasean lortutako emaitzen batura izango da.

Berdinketa izanez gero, sexu bakoitzaren errepresentazioa ehuneko hamarrekoa gutxienez bermatze aldera, ratio horretara iritsi artean, neska-mutil berdinketa emanez gero, presentzia gutxiena duen sexuko hautagaiak lehentasuna izango du.

Irizpide hori aplikatu eta gero berdinketak jarraitzen badu, ordena ezartzeko honako irizpide hauek hartuko dira kontuan, hurrenez hurren:

- 1.- Lan-esperientzia egiaztatua.
- 2.- Begirale-titulua izatea.
- 3.- 4 HE
- 4.- Lanpostuarekin zerikusia duten ikasketak (Gizarte eta kultur animazioak izango du lehentasuna).

Hautaketa bukatu ondoren, Epaimahai Kalifikatzaileak izangaiek lortutako puntuazioaren zerrenda argitaratuko du, Oñatiko Udaleko iragarki taulan eta web orrian. Era berean, onarpen-proposamena egingo dio eskudun organoari.